



Die obbeschriebenen Manier  
Adrian Jansen / wurde darnach  
verbessert / durch Adrian Diericx  
Zimmerman / oder Werckmeis-  
ster von Delfft / vnd ward ver-  
fügt in zwei stehende Spindel-  
thüren / wie hiebevor erklärt ist /  
durch die 5. Form / derwegen jm  
von den Hochmögenden Herrn  
Stadten zugelassen worden /  
solche allein zu versetzen / nach  
deren Form vnd Manier zwei  
davon gestellet sind zu Maes-  
land Schlüß / vnd zu Hellcuoc  
schlüß.

Nach der Manier aber der  
7. Formen sind drey auffgerich-  
tet eine zu Blaerdingen / die an-  
der zu Schiedam / die dritte zu  
Vynorbergen in Flandern.

Jedoch / wan man disputirn  
wolte / welche von diesen beyden  
Formen die beste sey / vnd mein / des Authoris iudicium , darüber  
erfordert würde / solten mir die Spindelthüren der fünfften Form /  
vor den andern / zum besten gefallen / vnd zwar vnd schiedlicher vrsac-  
chen halben / daß nemliche jede der vier Thüren / von der Siebenden  
Form / ungefehr noch einmal so lang gemacht worden / als jede der  
Spindelthüren / von der 5. Form / auf deren vrsachen / dieweil das Eck  
D E A. in der Siebenden Form sehr vngeschickt / oder unbequemlich  
muss werden / vmb dieselbe zueröffnen / welche öffnung nit unmöglich  
were / wo das Ecke / oder der Winckel recht were / also daß die Thüren  
so lang fallen / als die Schleusse weit ist / welches zu Schiedam ist / vñ  
zo. Werckschuch / wo in selbigen Ort die Spindelthüren mit jrer Ram-

\* 28 iii.

vix.